



Broj: 02-05-32820-17.2/17
Sarajevo, 16.11.2017. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 – Ispravka), Vlada Kantona Sarajevo je na **102.** sjednici održanoj **16.11.2017.** godine, donijela sljedeći

ZAKLJUČAK

1. Prihvata se Odgovor Ministarstva prostornog uređenja, građenja i zaštite okoliša broj: 05/03-23-sl./17AK od 01.11.2017. godine i Izjašnjenje Fonda Kantona Sarajevo za izgradnju stanova broj: 06-55-O-7-6/17 od 26.10.2017. godine po poslaničkoj inicijativi zastupnika u Skupštini Kantona Sarajevo Semira Halilovića, podnesenoj na 33. Radnoj sjednici Skupštine Kantona Sarajevo održanoj 02.10.2017. godine, i koji su sastavni dio ovog Zaključka. Vlada Kantona Sarajevo sugeriše Ministarstvu za boračka pitanja da pokuša iznaći rješenje za ovaj dio boračke populacije kojoj je pomoć potrebna.
2. Akti iz tačke 1. ovog Zaključka dostavljaju se Skupštini Kantona Sarajevo.



PREMIJER

Elmedin Konaković

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
2. Premijer Kantona Sarajevo
3. Ministarstvo za boračka pitanja
5. Evidencija
6. Arhiva





07-11-2017

u 13,40

Broj: 05/03-23-S1/17 AK
Sarajevo, 01.11.2017.godine

Tc. 17.2

VLADA KANTONA SARAJEVO
- OVDJE -

Zagytak

16.11.2017.

Predmet: Odgovor na zastupničku inicijativu
Veza dopis Skupštine Kantona Sarajevo br. 01-05-28024/17 od 05.10.2017.godine

Prema dopisu br. 01-05-28024/17 od 05.10.2017.godine, zastupnik Semir Halilović je na 33. Radnoj sjednici Skupštine Kantona Sarajevo održanoj dana 02.10.2017.godine u okviru tačke Dnevnog reda "Zastupnička pitanja, inicijative i odgovori" podnio inicijativu, koja glasi:

"za poboljšanje uvjeta otplate stanova kupljenih putem Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe i reprogramiranje već sklopljenih preugovora o udruživanju sredstava za finansiranje izgradnje stanova u privatnoj svojini".

Na postavljenu zastupničku inicijativu dostavljamo odgovor:

Ministarstvo prostornog uređenja, građenja i zaštite okoliša (stari naziv Ministarstvo stambene politike) svake godine je u skladu sa Programom rada Ministarstva i Budžetom realizovalo Projekat Predinvestiranje u rješavanju imovinsko pravnih odnosa i izgradnje primarne materijalne infrastrukture za pokretanje kolektivne i individualne stambene izgradnje u skladu sa usvojenom prostornom planskom dokumentacijom na području Kantona Sarajevo.

Skupština Kantona Sarajevo je na sjednici održanoj 24.04.2008.godine donijela **Odluku** o uslovima i načinu pokretanja nove stambene izgradnje u skladu sa prostorno – planskom dokumentacijom na području Kantona Sarajevo. Odlukom o uslovima i načinu pokretanja nove stambene izgradnje u skladu sa prostorno-planskom dokumentacijom na području Kantona Sarajevo regulišu se u javnom interesu uslovi, način i sredstva za pokretanje nove stambene izgradnje u cilju rješavanja stambenog pitanja, a posebno putem kupovine stana pod povoljnijim uslovima.

U okviru navedenog Projekta pokrenuta je izgradnja šest stambenih objekata na području Rosulje II, Općina Vogošća, a investitor izgradnje je bio Fond Kantona Sarajevo za izgradnju stanova. U skladu sa potpisanim Sporazumima Fond Kantona Sarajevo za izgradnju stanova se obavezao da za kategoriju stanovništva definisanu Odlukom o kategoriji lica, uslovima i kriterijama za rješavanje stambenog pitanja putem kupovine stana pod povoljnijim uslovima koju je donosila Vlada Kantona Sarajevo, obezbijedi 169 stambenih jedinica po cijeni definisanoj Sporazumom.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029, Fax: + 387 (0) 33 562-031
Sarajevo, Reisa Džemaludina Čauševića 1



Ministarstvo prostornog uređenja, građenja i zaštite okoliša nije imalo uticaj na definisanje ugovornog odnosa između prodavca i kupaca, tj. o kreditnim uslovima.

Fond Kantona Sarajevo za izgradnju stanova je ponudio vlastitu kreditnu liniju koja je iznosila 30% učešća, a ostatak duga na 50 mjesečnih beskamatnih rata, kao i povoljnost za jednokratno avansno plaćanje cjelokupne vrijednosti u nižoj cijeni m² korisne površine stambene jedinice.

Za sve stambene jedinice obezbijedene za potrebe kategorije stanovnika za rješavanje stambenog pitanja putem kupovine stana pod povoljnijim uslovima zaključeni su predugovori pod uslovima definisanim između investitora i aplikanta – kupca.

Ministarstvo je uputilo zahtjev Fondu Kantona Sarajevo za izgradnju stanova za očitovanje po zastupničkoj inicijativi i mogućnostima realizacije iste. U prilogu ovog akta dostavljamo Vam izjašnjenje Upravnog odbora Fonda Kantona Sarajevo za izgradnju stanova o zastupničkoj inicijativi.

Za stambene jedinice koje su obezbjeđene za potrebe Ministarstva za boračka pitanja, ovo Ministarstvo nema informacije kako su regulisani cijena i način plaćanja tih stambenih jedinica.


S poštovanjem,

Prilog: Izjašnjenje Upravnog odbora Fonda Kantona Sarajevo

Obradila: Amela Kulenović, stručni savjetnik
Saglasna: Amela Petrić, pomoćnik ministra

Dostaviti:

1. Naslovu,
2. U a/a.




MINISTAR

Čedomir Lukic, dipl.ing.arh.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029, Fax: + 387 (0) 33 562-031
Sarajevo, Reisa Džemaludina Čauševića 1





Broj: 06-55-O-7-6/17

Sarajevo, 26.10.2017. godine

Na 33. radnoj sjednici Skupštine Kantona Sarajevo, održanoj 02.10.2017. godine u okviru tačke dnevnog reda "Zastupnička pitanja, inicijative i odgovori" zastupnik Semir Halilović je podnio inicijativu koja glasi: "za poboljšanje uvjeta otplate stanova kupljenih putem Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe i reprogramiranje već sklopljenih predugovora o udruživanju sredstava za finansiranje izgradnje stanova u privatnoj svojini".

Upravni Odbor Fonda Kantona Sarajevo za izgradnju stanova razmatrao je ovu inicijativu na 7. sjednici održanoj dana 26.10.2017. godine i izjašnjava se sljedeće:

Nemoguće je u ovom momentu ostvariti poboljšanje uvjeta otplate stanova iz razloga što Fond Kantona Sarajevo za izgradnju stanova ne raspolaže sa sredstvima koja bi pokrila kontinuitet poslovanja ako bi se išlo na utvrđivanje grejs perioda, duži rok otplate, smanjenje iznosa učešća za kupnju stana kako je predloženo u zaključku navedene inicijative.

U slučaju realizacije ovog zaključka bi Ministarstvo za boračka pitanja Kantona Sarajevo trebalo obezbijediti dotaciju iz budžeta Kantona Sarajevo kojom bi se pokrilo poslovanje Fonda Kantona Sarajevo za izgradnju stanova u zaključkom predloženom periodu

Druga mogućnost je da Fond Kantona Sarajevo za izgradnju stanova povuče kreditna sredstva kod neke od komercijalnih banaka, ali bi se to opet odrazilo na cijenama stanova jer bismo kamate tih banaka morali uračunati u cijenu stana.


Produženje perioda roka otplate bi onemogućilo daljnje pozitivno poslovanje Fonda Kantona Sarajevo za izgradnju stanova, njegovu likvidnost i solventnost prvenstveno iz razloga što je Fond zadnjih godina poslovao na način da pokrije plaće uposlenika i osnovne troškove poslovanja.

U rješavanju pojedinačnih specifičnih slučajeva koje bi po potrebi predložilo Ministarstvo za boračka pitanja Kantona Sarajevo, Fond je uvijek ostavljao prostor da nakon sagledavanja takvih slučajeva Komisija za reprogram otplate Fonda, maksimalno izađe u susret za rješavanje otplate stanova za pripadajuće kategorije

Naprijed navedeno izjašnjenje Upravnog odbora dodatno pojašnjavamo obrazloženjem koje ide u prilog ovom izjašnjenju.

S poštovanjem,

Predsjednik Upravnog odbora



Prilog: Obrazloženje izjašnjenja po poslaničkoj inicijativi poslanika Slupštine Kantona Sarajevo Semira Halilovića

Kada je posrijedi poboljšanje trenutnih uslova plaćanja, bitno je istaći da Fond pruža daleko najpovoljnije uslove finansiranja stambenog rješavanja, prije svega boračkoj i populaciji mladih, shodno mogućnostima sa kojima raspolaže.

Obzirom da Fond posluje po principu udruživanja sredstava sa budućim krajnjim korisnicima / kupcima, te da se ne finansira iz budžeta, činjenica je da su sva raspoloživa finansijska sredstva usmjerena, kako za kontinuiranu novu stambenu izgradnju, tako i istovremeno i pružanje što povoljnijih uslova finansiranja stambenih jedinica, gore navedenim kategorijama.

Također, želimo naglasiti da u uslovima tržišta, koji se postavljaju pred Fond u procesu stanogradnje od nadležnih subjekata, po prirodi stvari, izuzetno opterećuje i sužava prostor djelovanja u oba navedena pravca, tj. omogućavanja još većih povoljnosti u otplati stambenih jedinica krajnjim korisnicima, te kontinuiranoj novogradnji, koja zahtjeva veliki angažman finansijskih sredstva.

Jednom riječju, ukoliko bi se dala dodatna prednost samo u jednom, ovom inicijativom, predloženom pravcu, bez dodatnog finansiranja, usporili i zaustavili bi se procesi izgradnje u toku i planirane gradnje, tj. novog stambenog zbrinjavanja. Grejs periodi bi u startu onemogućili bilo kakvu novu izgradnju, obzirom na već navedenu prirodu poslovanja i na uslovljenost same izgradnje, odnosno sve što je potrebno za započinjanje i urednu realizaciju iste. Ukoliko bi Vlada pronašla model dotacija za ovu predloženu namjenu, ista bi se mogla omogućiti uz održivost likvidnosti poslovanja tj. urednu realizaciju novih investicija.

Kada su konkretno, uslovi finansiranja za krajnje korisnike posrijedi, želimo istaći da je opće poznata, i u redovnim izvještajima prezentovana činjenica da Fond omogućava otplatu stambenih jedinica boračkoj populaciji na periode do maksimalno 80 mjeseci beskamatnih rata i uz minimalno učešće od 20 do 30% vrijednosti stambene jedinice, a sve u ovisnosti od pripadajuće kategorije (šehidske porodice, tj. porodice poginulog borca imaju mogućnost učešća 20% od vrijednosti stana i otplate ostatka vrijednosti na 80 mjesečnih beskamatnih rata, dok druge kategorije otplaćuju stambenu jedinicu sa učešćem 30% i otplatom ostatka na 60 mjesečnih beskamatnih rata).

Jedini izuzetak u dosadašnjem radu je stambena izgradnja na lokaciji Šip, gdje je omogućen način plaćanja sa učešćem 30% po potpisivanju predugovora, 30% do useljenja i otplatom ostatka vrijednosti na period 30-40 beskamatnih rata (od momenta useljenja), a sve iz razloga velikog odliva sredstava na ovom prepoznatljivom i opće poznato skupom lokalitetu, te što istovremeno teče stambena izgradnja velikog stambenog kompleksa na Rosuljama, gdje se primjenjuju gore navedeni, najpovoljniji, uslovi plaćanja za krajnje korisnike na ovom lokalitetu.

Ističemo da su ovakvi modeli plaćanja omogućili boračkoj populaciji, kroz protekli period, uštede preko 30 miliona KM samo po osnovu beskamatne odgode, a kroz netom okončani program Ministarstva prostornog uređenja i Fonda u stambenom rješavanju mladih, na lokalitetu Rosulja, omogućena je ušteda još 1,4 miliona KM, ovoj populaciji, jer je i njima, od strane Fonda, pružena mogućnost otplate na periode od 50 do 60 mjeseci bez kamata uz učešće 30% vrijednosti stana.

Uz prodajne cijene, koje su kroz cijeli protekli period na najnižem nivou u Kantonu Sarajevo (Fond je sa stambenom izgradnjom bio prisutan u svim Općinama), izgradnjom od cca. 3000 stambenih jedinica, ovakvi uslovi otplate su, evidentno jedinstveni i obzirom na nužnost kontinuirane novogradnje, te pruženim povoljnostima u finansiranju ovim kategorijama, ovakvi rezultati predstavljaju veliko postignuće i kao takvi su redovno isticani od svih nadležnih subjekata u svom proteklom periodu, te i samih korisnika – o čemu navedena realizacija govori sama po sebi i Javno priznanje - Plakete Kantona, za izuzetan dprinos u rješavanju stambenog pitanja boračke populacije.

Također je evidentno, da je Fond ispred svih u pristupu i senzibilnosti prema ovoj populaciji, kada je posrijedi problematika usporavanja u otplati i kašnjenju, iz različitih opravdanih razloga.

Ovdje se maksimalno izlazi u susret krajnjim korisnicima u iznalaženju mogućih rješenja i reprogramima dugovanja, a što najbolje svjedoči činjenica, da nakon ukupne nevedene

realizacije, u proteklom periodu, desila su se svega 3 /tri/ slučaja iseljenja, usljed potpunog zastoja u plaćanju. Nakon iscrpljenih svih mogućnosti, Fond je u skladu sa Zakonom o obligacionim odnosima, dužan pokrenuti tužbeni zahtjev radi naplate potraživanja koji traje cca. 4 godine (do dobivanja pravosnažne presude). Čak i nakon što Fond dobije pravosnažnu presudu, poziva tuženog na izmirenje duga, bez naplate zakonskih zatezних kamata s obzirom da rješavamo osjetljive kategorije. Također, ostavljamo im dodatni rok do 6 mjeseci da izmire dug prije nego što se pokrene izvršni postupak. Dakle, naprijed rečeno predstavlja daleko duži rok od roka navedenog u poslaničkoj inicijativi.

Kad su posrijedi zaključenja Aneksa predugovora o udruživanju sredstava za izgradnju stana, nakon odobrenog, tj. mogućeg produžetka otplate, takvi Aneksi ili notarski zaključeni ugovori od strane Fonda nisu upitni i primjenjuju se samo u slučajevima velikog kašnjenja i zahtjeva za ponovnom odgodom, ali se u takvoj proceduri krajnji korisnik izlaže samo dodatnom notarskom trošku, i kao takvi zaključeni Aneksi / Ugovori podrazumijevaju striktno, na Sudu izvršne klauzule, što opet podrazumijeva nove troškove za krajnjeg korisnika.

Na tragu iznalaženja dodatnih mogućnosti, smatramo da bi bilo potrebno dodatno sagledati da li su se iscrpile sve mogućnosti, shodno Zakonu o dopunskim pravima boraca, tj. da li je moguće u okviru istog kreirati dodatni model za prioritarno rješavanja sličnih slučajeva, iako Ministarstvo za boračka pitanja ulaže intezivne napore u pravcu rješavanja svih statusnih problema ove populacije i ublažavanja poteškoća sa kojima se ova populacija suočava. Određeno povećanje budžeta za resorno Ministarstvo, u okviru zakonom već predviđenih pojedinačnih izdvajanja, pospješilo bi rješavanje većeg broja ovakvih i sličnih slučajeva, kao i brzinu ove realizacije.

Uz modele koje primjenjuje Fond, dodatni model finansiranja, posebno pri kupovini stanova veće površine i koji bi polučio značajne pozitivne efekte, kako na polju dodatne povoljnosti otplate, tako i pospješenu investiranja u stambenu izgradnju sa druge strane, jeste namjensko subvencioniranje kamatnih stopa kod poslovnih banaka od strane Vlade Kantona, tj. otvaranju namjenskih kreditnih linija, čime bi se omogućio znatno duži rok otplate, niske otplatne rate i u spektru različitih mogućnosti, potakao veliki sloj boračke i populacije mladih u svom stambenom rješavanju. Identičan model, odnosno projekat Vlade, imamo na polju poticaja malih i srednjih preduzeća. Ovakvi modeli su poznati u regiji i smatraju se uspješnim projektom u širem smislu riječi.

Nadamo se da smo u potpunosti odgovorili na dostavljenu inicijativu uvaženog zastupnika, te da smo pružili i dodatna pojašnjenja i sugestije koje su od općeg interesa u cjelosti.

Na kraju, pozdravljamo svaki prijedlog koji drži u fokusu stambeno rješavanje ovih populacija i predstavlja uvijek novu priliku da se potakne širi krug nadležnih subjekata u iznalaženju dodatnih rješenja za ovu problematiku od esencijalne važnosti, te dodatno ukaže na postignute zajedničke rezultate.



562 06.10.17.
Džurina Morlioni
14,30

Broj: 01-05-28024/17
Sarajevo, 05.10.2017. godine

1340
07-11-2017
Vine
- Ključnik, prist. uređenja,
grat. i zat. okoliša
09.10.2017.

VLADA KANTONA SARAJEVO
n/r premijera

zaključak
TC. 17.2. 16.11.2017.

Zastupnik Semir Halilović je na 33. Radnoj sjednici Skupštine Kantona Sarajevo, održanoj 02.10.2017. godine, u okviru tačke Dnevnog reda "Zastupnička pitanja, inicijative i odgovori" a u skladu sa Poslovníkom Skupštine Kantona Sarajevo, podnio inicijativu "za poboljšanje uvjeta otplate stanova kupljenih putem Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe i reprogramiranje već sklopljenih predugovora o udruživanju sredstava za finansiranje izgradnje stanova u privatnoj svojini".


Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovníka Skupštine Kantona Sarajevo („Službene novine Kantona Sarajevo“- broj 41/12 - Drugi novi prečišćeni tekst, broj 15/13 i 47/13,47/15 i 48/16), u pisanom obliku, obavijestite Skupštinu o učinjenom.

Napomena: S obzirom da je zastupnik Halilović tražio da se Skupština izjasni o ovoj inicijativi, napominjemo da odredbe člana 213. stav 3 Poslovníka Skupštine Kantona Sarajevo propisuju da ukoliko Vlada ne izvrši očitovanje po inicijativi, o inicijativi će se Skupština izjašnjavati bez stava Vlade, na narednoj sjednici.

Prilog: Zastupnička inicijativa Semira Halilovića

CO:
-sekretar SKS
-sekretar Vlade Kantona

109002
09.10.2017. g. S. B. M.



PREDSJEDATELJICA
SKUPŠTINE KANTONA SARAJEVO

Prof. Ana [REDACTED]



Semir Halilović, zastupnik u Skupštini Kantona Sarajevo ispred BPS-a

SKUPŠTINA KANTONA SARAJEVO

n/r predsjedateljice Ana Babić

PREDMET: Zastupnička inicijativa, dostavlja se

U okviru tačke Dnevnog reda " Poslanička pitanja, inicijative i odgovori", predlažem zastupničku inicijativu za poboljšanje uvjeta otplate stanova kupljenih putem Fonda Kantona Sarajevo za izgradnju stanova za članove porodica žrtava i poginulih boraca, ratne vojne invalide, demobilizirane boraca i prognane osobe (u daljnjem tekstu: Fond za izgradnju stanova) i reprogramiranje već sklopljenih predugovora o udruživanju sredstava za finansiranje izgradnje stanova u privatnoj svojini.

O B R A Z L O Ž E N J E

Za podnošenje ove inicijative pomakale su me, u posljednje vrijeme, učestale žalbe kupaca stanova od Fonda za izgradnju stanova, a koje se odnose na kratak rok otplate stanova i visinu učešća za kupnju stanova. Visina učešća utvrđena je u iznosu od 60% ukupne cijene stana, a ostatak duga do punog iznosa raspoređen je na jednake mjesečne rate na 36 mjeseci.

Ukoliko idemo od pretpostavke da je prosječna cijena kupljenog stana 100.000,00 KM (dvosoban stan), onda je obaveza udružioa sredstva (kucea) da uplati odmah 60.000,00 KM učešća. Da bi obezbijedili ova sredstva kupci, većinom mladi bračni parovi, sebićke porodice, RVI, kreditno se zadužuju kod komercijalnih banaka i taj iznos učešća logično je uvećan za bar 20.000,00 KM vrijednosti kamate. Nakon što uplate učešće svaki mjesec su dužni uplatiti rate u visini od 1111,00 KM. Kad se iznosu rate koja se neposredno uplaćuje Fondu za izgradnju stanova doda iznos rate komercijalnog kredita koji su podigli za učešće, dobijamo iznos koji prosječna, pa i bolje materijalne situirana porodica u BiH ne može platiti, te toga dolazi do kašnjenja sa uplatama rata. Fond za izgradnju stanova šalje primenu opomena onima koji kasne sa uplatom, a u Predugovoru je jasno naznačeno da se udružilac sredstava obavezuje da u pogledu izvršavanja odredbi ovog predugovora se mora striktno pridržavati ugovorenog roka otplate, a suprotnom, saglasan je da se predugovor proglaš raskinutim. U strahu od mogućnosti raskida ugovora koji bi sa sobom osim ostanka bez kupljenog stana povukao posljedice povrata sredstava umanjen za 10% od ugovorene vrijednosti (a ne od visine uplaćenih sredstava) i 0,3% vrijednosti ugovora za svaki mjesec korištenja nekretnine kupac (udružilac sredstava) se odlučuje na novi komercijalni kredit u cilju izmirivanja dugovanja. Kako se može vidjeti iz navedenog, ozbilji uvjeti kupnje stana od

Fonda za izgradnju stanova ne predstavljaju nikakvu pogodnost, jer u konačnici se svode opet na uzimanje komercijalnih kredita.

Obzirom da je ovo kameralni fond i da je prvenstveno osnovan kako bi porodice siromašnih, RVI, demobilisani boreci i prognane osobe, i ne samo oni već i kategorija mladih koji po komercijalnim uvjetima skupije plaćaju ove stanove riješili svoje stambeno pitanje pod povoljnijim uvjetima, ovi uvjeti otakle moraju se prilagoditi stvarnoj kupovnoj moći u što kraćem roku.

Neophodno je prilikom ugovaranja kupnje stana ostaviti grejs period od najmanje godinu dana nakon uplate učešća u visini 1/3 vrijednosti stana i omogućiti rok otplate na 60 do 100 rata. Onim kupcima (udruženjima sredstava) koji su bili primorani pristati na ove nepovoljne uvjete ugovaranja i za koje postoji evidencija u Fondu za izgradnju da kasne sa otplatom, treba omogućiti sklapanje Anexa predugovora o udruživanju sredstava gdje bi im bio produžen rok otplate.

Predlažem Skupštini da podrži ovu inicijativu donošenjem zaključka sljedećeg sadržaja:

ZAKLJUČAK

1. Nalaže se Vladi Kantona Sarajevo da Upravnom odboru Fonda za izgradnju stanova nalaže da uredi uvjete za kupnju stanova, na način koji će maksimalno uvećati povoljnost uvjeta kupnje utvrđivanjem grejs perioda, dužeg roka otplate, smanjenje iznosa učešća za kupnju stana, te da silepe anexe za već potpisane predugovore sa produženjem roka otplate za one kupce (udruženje sredstava) koji nisu u mogućnosti ispoštovati predugovoreni rok otplate.

2. O realizaciji ovog zaključka Vlada Kantona Sarajevo dužna je izvjestiti Skupštinu Kantona Sarajevo u roku od 30 dana.

Sarajevo, 02. ¹⁰09. 2017. godine


Semir Halilović